



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Evsebivs || De Euangelica pr[a]eparatione**

**Eusebius <Caesariensis>**

**[Augsburg], 1522**

**VD16 E 4299**

Quod non semper uino utendum est. Cap. xvij.

**urn:nbn:de:hbz:466:1-34477**

mulgo dicitur, uoluptate musicam disjudicari, sed illam esse optimā musicam, quae optimos & doctos uiros delectat, ac maxime illum, qui uirtute cæteris præstet. Virtute igitur opus est iudicibus, & præsertim fortitudine atq; prudētia. Necq; enim theatri plausu, aut propter ignorantiam, aut propter formidinem duci debent. Apud Iudeos etiam priscis temporibus diuinorum cantuum iudicium non multitudini tradebat, sed erant aliqui, quis paucissimi, diuino spiritu hæc iudicantes, quibus solummodo licebat prophætarum libros consecrare, ut ita dicam, ac comprobare. Ea uero, quæ aliena a spiritus sancto uideantur, improbare atq; reiçere.

Quod nō semper uino utendum est. CAP. XVII.

**C**arthaginensium inquit legem magis quam Lacedæmoniorum atq; Cretesium laudo, ut nunquā in castris quisquam uinum gustare audeat, sed toto militiæ tempore aquæ usum comprobari. In ciuitate autem seruis nunquam uini usus concedendus est, nec magistratus tempore, quo rem publicā gubernat, uino utantur, nec gubernatores, nec iudices, nec qui liberatus in consilium uocatus est, nec ullo modo in die, nisi ualitu dini gratia, nec nocte eos tam uiros quam foeminas, qui liberis dare operam statuerunt: leuiores enim homines uini usu fiunt; & animæ calefactæ tanquam ferrum ignitum moliores redduntur. Hæc multo ante Moses constituit. Sacerdotes em iubet sacrificandi tempore a uino abstinere. Locutus est enim inquit dominus ad Aaron dicens. Vinum & siceram non bibetis, tu & filii tui tecum, quando in testimonij tabernaculum ingredimini, aut quando ad altare acceditis, ne moriamini, & lege hoc in æternum in generationes uestrarum firmatum sit. Votum etiam uouentibus similiter præcipit dicens. Vir aut mulier qui uotum facit, a uino & siceræ mundus erit, & acetum uini, & acetum siceræ non bibet. Salomon quoq; magistratus & iudices a uino abstinere iubet. Consilio inquit omnia facias, consilio uinum bibe, potentes, qui iracundi sunt uinum non bibant, ne si biberint, sapientiæ atque laboris obliuiscantur. Nec ignorabat Plato scripta hæc apud Barbaros fuisse, quomodo occultius his uerbis denotauit. Siquidem inquit dubitant, utrum huiuscmodi disciplina ciuilis fuit, aut etiam nunc est apud aliquos Barbaros

E iiiij procul

296 DE PRAEPARATIONE EVANGELICA

procul ab oculis nostris, aut futura unquam sit, parati sumus ratione ostendere, factum iam fuisse & esse in presentia, futuramq; esse quando eadem misa in aliqua ciuitate pauebit, nec nos impossibilita dicere.

Quod nobiscum gerendum est bellum.

CAPVT. XVIII.

**R**ecte inquit a nobis dictum est, omnes homines sibi ipsi pugnare, neminemq; esse, qui sibi ipsi hostis non sit. Quare praeципua optimaq; uictoria esse seipsum uincere. Sicut econtra turpissimum atq; pessimum a seipso uinci. Et post pauca. Unus est unusquisq; nostrum, sed duos secum contrarios amentes habet consiliarios, uoluptatem atq; dolorem quibus opiniones futuroq; accedunt, quas communiter spei nomine appellamus. Proprie autem, quae ante dolorem spes est timor, quae uero ante uoluptatem confidentia nominatur. Ad hec omnia ratio accedit melior aut peior, qua cum quid publice constitutum sit, lex nuncupatur. Deinde haec passiones inquit in nobis quasi nerui aut funes huc & illuc ad contrarias operationes attrahunt. Ratio uero uni semper rationi oportere constanter inherere persuadet, quae quidem ratio aureo quodam fune atq; communis lege uidelicet ciuitatis inniti solet. Alio autem durae asperaeq; tanquam ferreæ sunt. Haec ubiq; ferme diuinæ literæ predicant, appetitum rationi pugnare docentes, rationemq; optimam esse, quae dei lege dicitur, uictoriæq; laudatissimam cum huic rationi appetitus subiicitur,

**V**Quod peccatorum anima est causa, CAP. XIX.  
Ndecimo autem legum. Necesse est inquit tam uirtutem quam uitiorum causam esse animam, quod Mosayco illi consentaneum est. Si anima peccarit, & si anima delictum fecerit.

De uero Philosopho. CAPVT. XX.

**C**VM in hebraica scriptura de studio ueroq; philosopho dicat. Bonum est viro si tollat iugum in iuuentute sua, sed debitumq; solus ac tacebit. Cumq; diuinæ prophætæ ac sublimi philosophia in montibus atq; speluncis degerint, ad illum deum metem erigentes. Audias quemadmodum etiam Plato hunc uiuendi modum cōprobauit dicens. Qui præcipui in philosophia sunt, ab adolescentia etiam ipsam uiam, quæ in forum abducit ignorat,

